

بوفلسفه نك اذهان اوزرينه عدم سطوتك اسبابندن بریسی ده :
عمرانك ترقیسی ، حرکت علمك تشیطی روح حریت وسلامتی نشر ایتسی ،
همزدهنده مباحثینی مباح قیلمسی خصوصنده اسلامك یا پیش اولدینی تأثیر ایدی .
بونور مدنی ، مستفیض ، نفوسی ، محاصمه دینده طرفیکر لکدن منع اید یوردی .
لکن ، شرقه طوغری آقوب کن حادثات موله طولایسیله شرقده اولان
هر حرکت ، حتی حرکت الحادده توقف ایتش ایدی . اون طقوزنجی
عصر دن اعتباراً ایسه مؤسسات علمیه لرده شرق ، غرب ایله اختلاط
ایدرك غرب دن مادیون فلسفه سنك نظریاتی اقتباس ایتیه به باشلا دیلر .

بوصورتله اوزمانه قدر درغون اولان مادیون فلسفه سی ینه
جانلانیوردی . دوقتور یعقوب صروف ایله فارس تیرالمقطف مجله سیله
بوفلسفه فی سوریه و مصر طرفلرنده نشره قیام ایتدی لر . شو قدر وار که مجله نك
قارلرینی - ککاک بیوکلری اهل اعتقاد دن در . - اغضاب ایتک ، قورقوسیه
بونلر صرف مادی اولان فکر لرینی جهراً اورتیه قومغه پک ده قادر اولامیور .
لردی . دوقتور شبلی شمیل ایسه قلباً بونلردن ده حرا تکار ، شکیمه
بونلردن ده شدتلی اولدینی جهته مبادی مادیه سنی بتون صراحتیه
علناً اورتیه قویدی ؛ خالق تعالی ، روحی ، خلودی انکار ایله دی ؛
قرق سنه دنبری یازمش اولدینی شیلرک هپسندن مادیون مسلكنی پک
مفرط برصورتده مدافعه ایتدیکی کبی ، الیومده شجیع بر مدافع کبی
مسلك مادیونی مدافعه ایتکده در . بناء علیه شرقده مادیونک ریسی ،
دوقتور شمیل شبلی دیرسه ک تعجب اولناملیدر .

شبلی شمیل ، « علامه بوختر » ک دارون مذهبی اوزرینه اولان
شرحنی عریجه یه ترجمه ایتدیکی کبی ، اونک فلسفه سنی تأیید خصوصنده
خیلی رساله لرده یازمشدر ؛ بوصورتله نفوسده ایجه بریز براقش در ؛
بناء علیه بوملکته ، مادیونک استناد ایتدیکی اصولاری نقض ایدرك فلسفه
روحیونی تقویه ایتکده کی غرض و مقصد مزده اونک فلسفه سیله یازیلرینی
ابطال ایتک اولاجق در .

ایشته بونلر ، اوت بورایه قدر تعداد ایتدی کمز بوفیلسوفلر ،
مذهب مادیونک اماملری درکه : میلاد عیسی دن یدی عصر اول دن
بوکونه قدر اقطار مختلفه ده بولنرق غیر منقطع سلسله لر تألیف ایتدی لر .
لکن بونلر ، هیچ برعصرده اون طقوزنجی عصرک اخیرنده کی قدر
قوی الشکیمه ، شدید الممارسه اولما مشلدر ؛ چونکه بو عصرده پک چوق
مباحث ظهور اید یوردی : مثلاً طبقات الارض مباحثنده « لیل » ، نباتاتده « نودن » ،
حیواناتده « جیبیل » ، احافیرده « اغاسین » ، اصل حیات وتولد ذاتی
(تولد بنفسه) ده « هکل » ، « جیجر » ، ماده نك اصلی مسئله سنده
« ویلیام طومسون » کبی فیلسوفلر ظهور اید یورلردی .

ایشته قواعد طبیعیه اوزرینه یوکسلن مادیون مذهبک بناسی بونلر
ایله تمام اولدی . صوکر « شارل دارون » کله رک فلسفه تحول ، یاخود
نشوا وارقا فلسفه سیله بونلر عالی بی تنویج ایتدی ؛ بوصورتله مادیون
فلسفه بی غایه قصوایه بالغ اولیور ، بوکا مقابلده روحیون فلسفه سنك

معالمی اتدراسه یوز طوتیوردی . اکر مادیون دن ، حتی فیزیولوژی کیر
« روسل و لاس » ، طبقات الارض علماسندن « اولیفر لودج » استاذ الکیمیایوی
« ولیم کروکس » انکلیز جمعیت علمیه سنك رؤسایندن علامه وفلکی
شهر آلمانیالی « زولتر » ایله ، فرانسه لی « قامیل فلاماریون » وحد حساب
کله ین ده برحق ذوات کبی بالذات فلسفه مادیه مؤسسلرندن اولان اعظم
رجالک مباحث نفسیه تجربیه ایله دیگرلرینه قارشی جیقمالری
اولسه یدی فلسفه روحیون بردها بلنی طوغرولته میه جق نسبتده زواله
محکوم ایدی . فقط بر قسمی شمعی تعداد ایتدی کمز ، دیگرلرینی ده تفصیلاً
بجملرینی سردایده جکمز یرده ذکر ایدیه جکمز بو ذوات ایله فلسفه روحیون
دوشدیکی یردن ینه قالدیور ، وقواعد حسیه طبیعیه اوزرینه استناد
اید یوردی . بناء علیه مادیون فلسفه سیله روحیون فلسفه سی بینته اولیه
بر محاربه ، چارپشمه کیردی که : صفحات تاریخ مثالی بیله قید
ایتهمشدر . صوکره کندیسنه معاونت کوسرلرکجه فلسفه روحیون
دها زیاده بارلادیغندن مادیون فلسفه سی بوکا قارشی مباحث روحیه یه
مطلع اولمایان ، یاخود اسبب من الاسباب مطلع اولمق ایسته مین رؤسادن
بشقه ملجأ بولامیوردی ؛

بز مادیون مذهبک اساسی اولان اصول طبیعیه وفروض علمیه نك
کننی بیان ایتهدن اول بومعرکه علمی نك ادوارینی تفصیله کیریشمه یه .
جکز که : طرفیکرک ایله اتهام اولنمایم ؛ برده خصمین متنازعینک قوتلرینک
مجموعی حقنده قارئین برعلایدینه بیلسینلر ! بناء علیه اولاً اصل ماده حقنده
مادیون مذهبک نه اولدینی ، صوکره وحدت طبیعت ، صوکره حیات حقنده کی
فکرلرینی ، ده صوکره « دارون » مذهبی ، حدوث خلقی فعل نوامیسی ایله
تعلیل ایتملرینی ، بونک اوزرینه بنا ایتد کیری نفی خالق ونفی روح مسئله .
لرینی ایضاح ایدیه جکمز . بونلرک هپسندن صوکرده بو علمی مسئله لرک هپسندن
بالذات کندی اسلوبلری اوزره مناقشه ایدرك صوکره روحیون فلسفه سنی
بسط وتمهید وبوفلسفه جدید نك الله ، روح ، بقا عقیده سنده صورتله
یازدم ایتدیکنی ، بو فلسفه نك کرک شمعی یه قدر احداث ایتدیکی ؛
کرک بوندن صوکره عالمه میدان کتیره جکی انقلابات مقبوله یه اشارت
ایدیه جکمز . والله ولی الصالحین .

مصرلی محمد فرید وجدی

الواح انتباه

اسلامیت ونصرانیت ، نصرانیتک حقسنزلقلری

مسلمانه لرده نجر آناری

جنوه دارالفنونی السنه شرقیه . پروفیسوری [ادوارد مونته]
مذکور مؤسسه ده اخیراً ویردیکی بر قونفرانسنده اسلامیتله خرسیتیانلق
آره سنده کی مبایت ومغایرتدن بحث ایتش ومسلمانه لرده باشلایان آثار

خطيبك الك مهم بياناتي تشكيل ايدن آتیده کی جلهلری قوس ایچنه آلوب محترم قارئلر مذك توسیع و تزئید معلوماتلرینه مدار اولمق اوزره عیناً ترجمه ایدیوروز .

« اسلامیت جداً مظلوم و مغدور بردیانتدر . دین نامنه جله ابنای بشره طرف آلهمیدن ، خلق نزدنده سفیر و مبعوثی بولنان حضرت محمد (صلی الله علیه و سلم) واسطه سیله انزال و ارسال اولندی حالده ، غیر مسلملر آنی تبیع و تدقیق ایتک ایستیمه رک ، دائماً جاهلانه ، عامیانه بر صورتده یالکیز علمینده بولمغله اکتفا ایتشلردر . منفعتارینی ، اسلامیت علمینده بولمغله تأمین ایدن رهبان طائفه سنک لایعقلانه و منطقسز سوزلری ، خرسیتانلری ، اشبو یکی دیانتک ماهیتی او کر نمکدن مانع اولمشدر .

دین و دیندا شلاق نقطه سننده ، یکی کلن بر دینک تدقیقی واجب و ضروری ایکن ، رهبان طائفه سی ، خرسیتانلری ، تلقینات نتیجه سننده بو کیفیتدن اوزاقلاشدیر مشلردر .

منصفانه دوشونیلیرسه ، هر مدعی بی بر کره دیکله مک ایجاب ایدر . محاکمه نتیجه سننده صدق و کذب اکلایشلیر ، حکم و یر یله بیلیر . هر سوز سویله یین آدمک یلانچی اولسی لازم کلیه جکی کی سوزیخی دیکله مکدن ده تحاشی ایتک لازم کیز .

بزی ، یکی بر چیغیره ، پک جدید بر آینه دعوت ایدن اسلامیتک غلغله لی صدرلرینه قارشو قولاقلمزی قاپامق ، واصل و اساسندن ، کنه و ماهیتندن بر شی اکلایمق سزین ، ادراک و تبیع ایتکم سزین ، اودیانه ، اودین پیرولرینه — پایازلرک صرف توصیه منفعت پرستانه لرینه تبیع ایتش بولنمق ایچون — کفر و شتوم صاورمق و هر مسلمانی فنا ، خائن ، غدار ، وحشی ، خونخوار طانیق طوغری بر شیمیدر ؟

بومنور عصرده پارلاق دورده بوکی معاملات متعصبانه هیچ بر وجهه قابل عفو اوله ماز .

قرآنی سطحی بر صورتده اوقویانلر ، حضرت عیسی حقنده پک نازکانه و حرمتکارانه بیاناته تصادف ایدرلر . اسلام پیغمبرینک ، ماسبق و رقیب ماهیتی حائر بر پیغمبر ایچون بو قدر ستایشکارانه شهادتده بولنسی جداً بو یوکلیکنی کوسرتیر . عربلرک ، اسلامیتدن اول حاللری معلومدر . اخلاق نامنه بر شیلری قالمشیددی . دینلری ، یوللری هپ خرافات و اساطیردن عبارتدی . آرله رنده قورور کبر و عظمت فساد ، و نفاق ، سفک و قتال حکم فرما ایدی .

بتلره هدایا و ندوز تقدیم ایتک ، خیر و شر ایله تفأل و تشم خصال ذمیمه سی کرکی کی منتشر ایدی . بر لرینی اولدیرمک ، مقولک مالنه ، قاریسنه ، آتیه صاحب اولمق کی مذموم عادتله فوق العاده بر عنعنه شکلی آلمشیدی . قبائل و طوائف بیننده مشاجره و نزاع ، حرب و غوغا هیچ اکسیک دکلدی . هر شیدن زیاده یشامق حق و صلاحیتنه مالک اولان قیز چوجقلری ، معصوم و هر شیدن بی خبر اولدقلری حالده ، صرف عنعنه هوا پرستانه سائقه سیله ، او بیچاره لری دیری دیری مزارک اعماقنه کومک عادتلی او قدر حقسز و انسانیتنه مغایر بر معامله تشکیل

تعالی و تجدیدی حضاره تاریخی و محسوس بر صورتده تفهیمه چالیشمشدر . مشار الیهک بیاناتی ، دیانت مبعظه اسلامیه نک معالیات و حقایق حقنده بر شاهد عادل اولمغله برابر ، اسلامیتی حقیله تدقیق و تعمیق ایتک آرزو سننده بولنان منصف اوروپالیلره بویوک بر تازیانه تشویق مقامنده قائم اولمشدر .

دنیه بیلیر که ، شو صوک زمانده اوروپا محیطنده اسلامیتک معالیا تی حقنده حسن شهادت ایدنلر ایچنده پروفیسور ادوارد مونته قدر سربستانه و بیطرفانه ایراد مقال ایدن اولما مشدر .

پروفیسور ، اسلامیتی یالکیز تاریخی بر نقطه دن دکل ، اخلاقیات و اجتماعیات نقطه لرندن ده دور و دراز تحلیل ایتش و بو آنه قدر اوروپالیلره خرسیتانلرجه مجهول و غامض قالان حقایق اسلامیه بی ده رین بر تبیع عالمانه نتیجه سننده کشف ایدرک ، میدان چیقاردینی حق و حقیقتلری مدنی و طنداشلرینک نظر دقتلری او کنه وضع ایتکله او بیچاره ، غافل آدملری آغیر بر اویقودن ، کران بر کابوسدن اویاندیرمغه سی وجهه ایلشدر .

جنوه کی اوروپانک الک مترقی و خر بر محیطندن و اوراده کی دارالفنونک خطابت سالونندن یو کسه لوبده خرسیتانلرک الک کتیف و مظلم و ادیلرنده ولوله انداز اولان بو صدای حقیقت ، نفیر حریت اوروپا سوسیالیستلری اوزرنده فوق العاده بر تأثیر حصوله کتیر مشدر . بز قوت قلب ایله ادعا ایده بیلیرزکه ، جناب حق ایمانی ، اسلامیتی منکرلرینک ایله دلیلله نشر و اثبات ایتک ایسته مش و بویله جه وحدانیت و قدرت قاهره سی آپ آشکار انسانلره کوسترمک لطف جلیلنده بولنمشدر .

خرسیتانلرک ، خرسیتان متفکرلرینک اسلامیت حقنده کی حسن شهادتلری ، مدح و ثنالی اوروپاده ، مسلمانلق لهنده عظیم بر جریان حاصل ایتدیر مشدر .

(لوزان) ده انتشار ایتکده اولان (La Bloche) غزته سی ، محترم پروفیسورک نطقندن ، بیاناتندن خبر و یردیکی صیره ده M le professeur Moontet , de Yéneve , prend chaudement la défense de l' Islam .

دیور که ، جنوه دارالفنونی پروفیسوری ، پروفیسور موسیو مونته اسلامیتی پک صمیمی و حرارتلی بر صورتده مدافعه ایتمشدر .

پروفیسور جنابلری ، خطابت انساننده دیمشدر که ، « دین اسلام الک کوزل (سوسیال) اشتراک دینی اولوب ، بین الملل بر دیانت فریده اولمغه هر حالده لایق و سزاواردر . چونکه پیرولرینه ، سائر دینلردن زیاده ، رهبرلکی حائردر . »

سو کیلی خطیبک بیاناتندن کنندیسنک اوزون بر مدت اسلامیتک غوامض و دقائق حقنده تبیعات دینیه و علمیه ده بولندی و بیلدیکنی ابنای جنسنه لاجل الاستفاده اوتهدن برو چالیشمقده اولدینی قولایمغله آکلایشیلور .

آلمشردر . کندی اولککلرلرده حاکم اولدقلری حالد ، مسلمانلر تمامیه غریب و فقیر بر حالده یشامقده وقاعتکارانه بر حیات کچر مکده درلر . جدی و مدید تبعم نتیجه سنده اسلامیتک عمومی و اشتراکی برهین استعدادی حائر اولدیغنی آکلادم . هرکس بودیاتی اعتساق و قبول ایده بیلیر .

قرآنک بر آتی بواد عامی قولایقله اثبات ایدر . اوده (لمن الملك الیوم لله الواحد القهار) آتی درکه ، حق ملکیتی یالکز خالقه ، جناب حقه حصر ایدر یور . اسلامیتک حقوق فقهیه و شرعییه سی تدقیق اولنقدده ، حق ملکیت جدأ ساده و بسیط برشی تشکیل ایدر . بوندن مقصد متغایه و منفذده نك تغلب و نفوذی یوق ایتمکدن عبارتدرکه ، خلق آره سنده طبعی بر مساوات حقوقیه ایجاد ایلک فکریدر .

دین مسیح ایله آناره پیرو اولان حکومت نصرانییه نك دستور مئی و حرکتلری طبان طبان اسلامیه مخالف اولوب ، الیوم اورویاده ، تغلب سایه سنده ، یك عالی القابی حائر نیجه متغلب و متفذر واردرکه ، هربری محتشم سرایلره ، واسع مالکانه لره مالک بولنقدده و زوالی فقرای کندی تنظیم ایتدکاری قانون استبدادی آلتنده از مکده درلر .

هیچ بر دین ، قرآنک ، اغنیایه قارشو . حقوقی اسلامیت قدر تأمین ایتمه مشدر . رهبانک تلقینات بدخواها نلری نتیجه سی اوله رق بو آنه قدر مسلمانلق ، خرسقیانلق نظرند یك فنا طاندر لمشدر . بو حاله تأسف ایتمه مک الدن کلز ، اسلامیتک معالیاتی خرسقیانلرک نظرند مستور و مجهول قالمش و بوکا ک زیاده یاردم ایدنلر ایشه مرئی راهبیلر اولمشردر .

راهبیلر اسلامیت حقنده بر طقیم افترا و اسنادانده بولنیورلرکه ، جمله سی واهی افترا لردن عبارتدر .

اسنادات واقعه شونلردر :

- ۱ اسلامیت عمومی بر دین دکدر .
- ۲ قابل حسیاندر
- ۳ اخلاق اساسلره غیر مالکدر .
- ۴ وجدان اوزرنده هیچ بر اثر وجوده کتیرمز .
- ۵ باشلیجه ، تصوف و فلسفه دن نقصاندر .
- ۶ جوق انکار و تصدیقه مالک ترددی بردیانددر .

خرستیانلرک بوتون نواقصی قرآنله اکل و پیورلرینه یك چوقیکی و مفید شیلری اوکره تن اسلامیت مسیحیه قارشو یك یکی و مجدد بر دین شکنی آلمش و مسیحیتک مکمل و متممی در دنیاه بیلیر . قرآنک بالجله اوامر و نواهیسی ، عقل و طبیعتک قبول ایده چکی شیلردر . عصر حاضره کوره اشتراکی بر دین اولدیغنی ، آیتسندن پیروانک حرکات و سکناتسندن اکلاشیلیرکه ، عمومی بردیانت اولوق ماهیتی حائردر . چونکه عمومک حقنی احکامیه محافظه و تحدید ایتمشدر .

اسلامیت حسی اولدیرمز ، بالعکس حسیات علمیه و نیجیه نك نشوو . نماسی کافلدر . بوباید قرآنده کی بیکارجه آیات ، مقربلرک افترا لرینی یك کوزل اثبات ایلر . اسلامیت ، تجارت ، دکزجیلک ، حرب و حربی ، تعام و تحصیلی ، تناکح و تناسلی ، یلان سویله مکی ، طوغری شهادتده بولنغنی ،

ایدیوردی که : اسلامیت — هر بر مزایاسندن صرف نظر — یالکز بودیمیه یی منع ایتدیکی ایچون جدأشایان تحیل بر مسلک تلقی ایدیله بیلیر . فقط اسلامیت یالکز بوقدرله اکتفا ایتمه مش و کیت کیده انتشارندن قوت اکتسابندن سوکره زمان جاهلیته مخصوص بالجله عادات قبیحه و افعال مذمومه یی تبدیل ایتمش و آنلر رینه حسنات اخلاق برلشدیر مشدر .

تمامیه اسلامیتدن اول بدوی و آنارشوی بر حالده یاشایان عربلری ، دائرة قانون و مدنیه ادخال ایدن بویکی دین ، پیورلرینه ابدی بر حیات صافی و زلال بر خلق بخش ایلمشدر .

آز زمانده ، سیاتی حسناته تبدیل و ظلم و بغاتی عدل و انسانیته جویرن دیانت مذکوره قدر ، سریع التأثير ، قوی العوامل هیچ بر دین و مسلک تصور اولنه مز .

قحط و فقدان ، عذاب وجدان و محرومیت ایچنده یشایان قوم عربیه ، سلسبیل فیض و فتوحاتی آجان مسلمانلق ، فهم و ادراکک فوقنده ، فکر و تصورک اوستنده پیورلرینه سعادت یوللرینی ، غایله لرینی بحق تأمین ایدرک ، موعود اولان اخروی سعاده قاوشمقدن اول ، فیوضات دنیویه یی آنلره احسان ایتک صورتیه بوتون مواعیدی ایفا واکال ایلمشدر ،

اسلامیت حقیقه بر قانون متبعدرکه ، هپ موادی ده زین دوشونیلمش وزمین وزمانک احتیاجات روزمره سنه کوره تنظیم و ترتیب ایدلمشدر . دیانت اسلامیه نك یکانه دستور متبعی بولنان فرقان ، تابعلرینه هم حیات خصوصیه یی ، همده عمومی صورتده یشامغنی اوکره نان بر دیندر . ایچنده ، معاملات شخصییه ، بیثیه ، عائله ویه ، سلام و معاشرت اداب و ارکانی ، آلیش و بریش ، معاملات دنیویه ، محاکمات ، شهادت ، رد و نقض دعوی ، نقض و ابرام میراث و آکا مائل حیاتک هر خطوه سنده محتاج الیه اولان بالجله مسائل و کیفیات طی و تحدید ایدلش و معنای صحیحیه شرعی و قانونی بر دین تشکیل ایتمشدر .

عین زمانده غیر مسلملرک ، مسلملره قارشو اولان حقوقی التزام و تسلیم ایلان دیانت اسلامیه ، اسلام دیارنده امرار حیات و اوقات ایدن غیر مسلملرک هر حقنی تصریح و اوفاجق بر ویرکو مقابلنده وایه دار فیض و حریت ایتمشدر . مستولی و حاکم بر شخصیتک ، محکوم اوزرنده تأمین ایتک ایستدیکی بوقدر آز برحق یالکز اسلامیت قبول ایدیور .

حالبوکه الیوم عالم نصرانیت و حکومت مسیحیه نفوذ و محیطی ایچنده یشایان اسلاملره ، دیانت و حکومت نصرانییه ، اسلامیتک خرسقیانلره بخش ایتدیکی یوزده براده سنده کی حق تأمین ایتامشدر . بوکا ایقین و کسدیرمه شاهد اوله رق مسلمانلرک فرانسه و انکلتزه ، آلمانیا . پورتکیز ، فلمنک مستملکاتسند کی حالت روحیه و حقوقیه لرینی کوسترمک کافیدر .

ممالک عثمانیه ده ایرانده ، مصرده یشایان مسعود الحال خرسقیانلر قدر ، اودیار اسلامیه ده هیچ بر مسلمان تصور اولمز . اقتصادیات و امتیازات نقطه سندن اوراده کی خرسقیانلر عادتاً برر عنصر حاکم حالی

اسلامیتده فداکارلق مسئلهسی وارددرکه ، هیچ بردینده یوقدر. مال و نفس ایله ایجابنده دیانتنه قارشو فداکارلقده بولمق کیفیتی اسلامیتک بک متین بردین اولدیغنی تأیید واثبات ایلشدر .

تعدد زوجات ، نهی مناهی و منکر ، نهی الکثول ، حقوق زوج و زوجه ، طلاق ، نشر علوم و فنونه دأر اوامر قرآنی ، ایله ثابت و لایتزلزل بر پروغرامدرکه ، میسیونر لرله رهبانک هر سفسطه سنی ابطاله کافیدر . بوتون معناسیله اسلامیت نجاح و فلاحی ملزم بردیندر .

مسلمانلرده عین زمانده خرسیتیانلر قدر عصیت یوقدر . اوروپانک این شیلرینی آلوب مملکتلرنده تطبیق ایدیورلر . هندستانده ، جاواده ، ممالک عثمانیهده ، مصرده آفریقاده بولنان مسلمانلر ، اوروپا طرزنده غایت کوزل مکاتب ، خسته خانلر ، دارالصناعه لر و آنک کبی نافع علوم و فنونی ، صنایعی انتخاب و تعقیب ایلورلر . اوروپانک ، خرسیتیانلرک ای شیلرینی مدح و ثنا ایتمکده درلر .

اَلْصَّوْكَ بِرَسُولِ اَوْلَقِ اَوْزَرَهُ (اِنَّمَا الْمُؤْمِنُونَ اِخْوَةٌ) آیتنی انظاره عرض ایتمکله اکتفا ایدیورم . هانکی دیانتده بوقدر اخوت اساساتی وارددر ؟ خرسیتیانلق ، پیراوانه تمامیه آریلق ، غیر یلغی اوکر تمکدن بشقه برشی بایمامشدر . میلیونلرجه فقیر اولسه ، جان چکشدیرسه ، اوروپا اغنیاسنک نظر رأفت و مرحتی جلب ایتمز . بوقدر حساس اولان بر دیانتیه آرتق طعن و تشنیع ایتمکدن ، اخلاق نامنه خرسیتیانلرله رهبانلرینی منع ایدرم .

بالتیجه دیه بیلیرمکه ، عالم نصرانیت ، بو آنه قدر اسلامیتک غوامضندن ، حقایقندن جاهل قالمش و بر درلو کهنه نفوذ نظر ایتمه مشدر . اسلامیتی قرآندن ، تاریخ سلامدن سیر نبویه دن اوکر عملی یزده آندن صوکره بر دیه حکمز قالیسه دیملی یز . بوقسه سلمه السلام درتیوز میلیون تبعه یه مالک عظیم و محترم بردیانتیه قارشو لافله حرمتسزلیکده بولمق حق پرست و حر مشرب و منصف ملتله یاقیشماز . . . »

(سبیل النجاة)

محترم پروفیسور مونته بیانات حقکویانه سنددن طولانی صمیم قلبمزدن تبریک ، و بومقاله یی خواجه افندیلمزله برایکی کره او قومنی خالصانه توصیه ایدرز . الله جمله یی اصلاح ایتسون دیمکدن بشقه بزه برشی دوشمز .

مکاتیب

ژاپونیا مجار حضور صمزدنه :

توکیوده عمومی سرکی

افرنجی مارتک یکر میسنده کشاد اولنان دور حاضر : (تابشو) سرکیسی بر قاچ و قندن برو بتون وسطی ژاپونیا عالمی توکیویه جذب ایتکده در . هر کون بیگلرله یولجیلر خصوصی سیاح ترنلرله توکیویه

تعلق ایتمه کی ، الدائمی ، طاعات و عباداتی ، تصفیة نفس و اخلاقی ، مساوات و مؤسساتی ، عدالتی ، حریتی و هر درلو اخلاق فاضله یی اکتسابه آمردر . هانکی دیانت ، بر بادشاهی خلع ایده بیلیر ؟ هانکی دین بیوکلله کوچوکلک عدالت نظرنده متساوی الحقوق اولدیغنی امر ایدر ؟ هانکی دین اسلامیت قدر اتفاق و خیراتی امر ایدر ؟ اسلامیت هانکی فنابر خلق و عادتق توصیه ایتمشدر ؟ کوسترلسون . پیغمبرک ، خلفانک ترجمه حاللری اوقونسون . اوزمان مسلمانلقه ، مسلمانلر قدر محترم بردین و امت اولدیغنی در حال تصدیق ایدیلر .

بناء علیه اسلامیت سراسر اخلاقیاتله مالی و مشحوندر . اسلامیت اخلاقک مربی حقیقیسی در . قرآنک بالجمله اساساتی اخلاقیات تشکیل ایدیور . دنیه بیلیرکه ، اسلامیت اخلاقیاتدن عبارتدر . قرآنده کی (انک لعلی خلق عظیم) آیتی پیغمبر اسلامک تقدیر و تحمیل حقنده نازل اولمشدرکه ، بوتون تورا و انجیلده موسی و عیسی ایچون بویه بر تقدیرنامه یوقدر .

وجدان اوزرنده اسلامیت قدر اثر بوراقان و حساس اولان بردین بولمز . (الله نور السموات والارض مثل نوره الخ) ، (السارق والساqrقة فاقطعوا ايديهما) ، (واذحيتم تحيته فحيوا بأحسن منها اوردوها) ، (فاعدل . . .) ، (قات ذی القربى حقه) ، (ما انت الا بشر . . .) ، (ما ازلنا عليك الفرقان لتشقى) ، (يغفر الله لمن يشاء) ، (اما السائل فلا تنهر) ، (الالعة الله على الكاذبين) ، (لعنة الله على الظالمين) کبی آیات قرآنییه اسلامیتک اخلاق و وجدان اوزرنده بک بویوک مؤثر و عامل اولدیغنی کوستر مکده در .

اسلامیت باشند باشه سیاست ، تصوف ، فلسفه دن عبارتدرکه ، بونک عکسنی ادعا ایدنلر حقیقی اورتک ایسته یورلر . تاریخ اسلام پیغمبرک غزوه لرده کی محارباتی ، مهاجرین و انصار بیننده کی تألیف قلوبی ، قبائل و طوائف آراسنده کی حرب و غوغانک نه صورتله ابطال ایدلدیکنی ، اصول مشورتله خلیفه نك انتخاب و تعیینی ، شورانک بر امر متبع بولندیغنی ، برنجی و ایکنجی خلیفه نك عدالت و سیاستده کی تجربه و علملرله زمانلرنده کی فتوحاتی ، ایرانک ، سوریه و بیت المقدسک ، مصرک ، عراقک نه یولده اسلام الله کچدیکنی ، معاویه نك عمر بن العاصک دهالزینی ، خلفای نبی عباسک علم و فضیلتله اولان رعایتلرینی ، دهامیلیونلرجه فضائل اسلامیه یی حاکیدرکه ، بک آز خرسیتیان بو حقایقه و افقدر .

اسلامیت اکر بونجه اساسات معتبریه مالک بردیانت اولمسیدی ، فرانسه و انکلتیره نك مستعمراتی تشکیل ایدن ، سودان ، چادکولی ، قاده ی و سائر آفریقاده بوقدر سرعته انتشار ایله ، میسیونر لرک مساعیلرینی ابطال ایتمزدی . خرسیتیانلقده اسلامیت قدر مزایا بولنسه ییدی هیچ اولمزه ، اوده اسلامیت قدر انتشار ایدردی .

خرستیانلرک انتشاری اغورنده بو آنه قدر صرف ایدیلن مساعی ، نقد تشبثات ، اسلامیت ایچون اولسه ییدی ، ظن ایدرمکه ، یروزنده برتک غیر مسلم قالمازدی . تجربه نتیجه سنده خرسیتیانلقده اولیان شیلر ، اسلامیتده موجوددرکه ، جریان و سراپتنه هیچ برشی مانع اوله من .